



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Landrada. Gandaui.

urn:nbn:de:hbz:466:1-10172

subscriptis nominibus, S. Maximus, S. Ilerius, Natalem
diem Canonici ignorant.

LANDOALDV.S.

Gandau.

Fuit Romanæ Ecclesiæ Archipresbyter, & ideò è vul- 19. Mar.
gari iudicio vti S. Hieronymus pingitur ut Cardina-
lis. Eum ex vrbe sanctus Amandus in Gallias secum ad-
duxit, xiv. Kal. Aprilis anno 646. obdormiuit, & in Win-
tershouen, prædio sibi ab Apro Comite sancti Lamberti
patre, olim collato, sepelitur in Basilica à se ædificata, at-
que in honorem sancti Petri dedicata. Ita Chronicum
Gandense. Landoaldus autem Gandam aduectus est per
Womarum Abbatem anno 980. Plura vide apud Mola-
num de egregiis viri factis, & in officiis Sanctorum Eccle-
siæ Gandauensis.

L A N D R A D A.

Gandau.

Sancta Landrada virgo beato Lamberto Episcopo 8. Julij.
Leodicensi post martyri familiarissima, beato item
Willibrordo Episcopo deditissima, Coenobium sacrarum
Virginum propriis sumptibus & patrimonio in saltu
Beyla construxit temporibus Pipini & Carolomanni eâ-
dem inter reliquas Christi Virgines sanctam Amelber-
gam præclaræ nobilitatis & sanctitatis Virginem dignis
moribus informauit. Cæterum sanctæ Landradæ cor-
pus vnà cum sancti Landoaldi sociorumque corporibus
ex villa Wintershouen ad beati Bauonis Gandense Mo-

R naſte-

nasterium anno 980. translatum est. Ita Chronicon Gandense, habes apud Molanum, Miræum, & in officio Diuorum Ecclesiæ ejusdem.

LEVINVS EPISCOPVS
ET MARTYR
Gandauensium Patronus.

D. Nov. LEVINVS in Scotia (forsæn Hiberna, quæ olim Scotia maior, ad discriminem illius quæ nunc Scotia minor & Hiberniæ olim pars) nobili genere natus, admodum adhuc puer non modo supra ætatem eximiâ pietate conspicuus, verum etiam miraculis clarus fuit: adultæ autem ætatis factus, præceptoribus usus est, primùm egregio Dei Sacerdote Benigno, deinde suscepторe suo è sacro fonte, magno illo Augustino Anglorum primo Episcopo, à quo tandem sacro etiam Sacerdotij ordine decoratus, tantâ cum laude eo in statu versatus est, ut eum Scotti haud multo post in Archiepiscopum suum elegerint, quod munus tametsi Rege populoque compellente suscepserit, & magno cum fructu per annos aliquot sustentauit: posteà tamen maluit infidelibus ad Christum conuertendis operam dare (ad quam rem mirâ Spiritus sancti gratiâ præditus erat) quam in Episcopatu suo vni tantum Provinciae quietius & minori cum labore præesse. Itaque relicto in Scotia loco suo magnæ sanctitatis & virtutis Syluano Archidiacono, ipse Euangeli plantandi caussâ tribus cum discipulis Foliano, Helia, & Kiliano Oceano traiecto deuenit in Flandriam, & ingressus Cœnobium Gandense à beato Amando Episcopo tunc recens exstructum humaniter à Florberto Abate